


李虫简文集



李忠簡公文溪集卷之十

宋門人李春叟輯訂



書

上鄭丞相書

戊申九月乞免知贛州

昂英楷題既襞不敢瑣碎儀式恐貽溷瀆之譴首乞  
鈞炤昂英疎遠之踪狂迂之性不識事體沙斥固宜  
自歸三逕杜門掃軌誦習故書求以克去氣質之偏  
獲逭謫徙已為萬幸安敢作榮進夢忽叨誤渥予郡

書

起家聖天子乾坤同量不棄螻蟻之微廟堂包荒不  
遺葑菲之賤得之如驚感深以愧自合奔走奉職少  
見寸尺以贖往愆實緣一春行役衝雨濕感風邪百  
疾交攻精力全衰偷安泉石間尚可以徐徐療治倘  
冒焉當繁劇之任必至敗缺不惟身計之誤而誤國  
之罪大矣心之精微盡在免牘謹錄副申呈五羊去  
天四千里駛輦一往返動是三閱月而虎城重地宜  
亟選長才所以不避誅殛繳回省劄者蓋欲一辭而  
遂所請非特爲身計實爲公爾計也欲望鈞慈爲之  
密啓於冕旒之前庶幾小臣真切之悃獲徹崇高之  
聽收回成命畀以叢祠使進退稍安不得罪於物議  
其榮過於二千石多矣此身未填溝壑他日尚能蹈  
刀鋸鼎鑊以報國恩干冒鈞嚴不勝戰惕之至

與秘書徐霽劄子

戊申

某去臘東檐出六和塔朝士送者才四執事其一也  
相與促膝攢眉語至暮而後出別後忽十閱月懷賢  
耿耿一食息不能忘也四十里跋涉春晏方抵弊廬  
杜門掃軌一字不敢出門故於畏友亦一例似疎絕



文溪集  
通者聳聞大聲疾呼之疏上拂衣徑歸天子灑翰大  
臣聯札清班追挽竟不能回天馬之馳向來首搖冰  
山已立羅浮四千丈之上此舉前無古人又在祝融  
峯九千丈之巔矣卓乎高哉不可跂而及也已敬歎  
歎歎某婆婆三逕熟復故書麤得靜味忽誤渥予郡  
起家乃與重名同一除書廁穢形於玉側頗覺羞愧  
聖天子天地其量超軼古昔恩寵殊常本不敢控辭  
私念平日受教菊坡公講明出處最不草草深懼得  
罪清議爲先師辱故以真實之悃寫之免章切度公  
朝必見察可以遂所請凡可以開發者幸不鄙相去  
三千餘里無從握手傾倒倚風惘惘乞爲偉器自愛  
不宣

與廣帥徐意一薦僧祖中書

某數年不到羅浮夢寐見之近招寶積僧祖中來出  
餅中卓錫泉烹石樓新茗共談山中事清風忽起坐  
間飄飄然如行飛雲頂也某在甲辰兩遊羅浮歲至  
必住旬日山廣大深遠不可窮而山中人絕少道人  
則有王寧素年八十餘碧瞳炯然照人頭陀則有祖



文溪集  
演年高過之髮色如黃金僧可語者僅僅斯人耳此  
大夢德因之子而克肖也將辭歸中閣必欲識意  
一而後去渠無他求必有異乎人之求者風雨如許  
政齋閣然香靜坐時試延之前使呈露所蘊必不能  
謾具眼得聞侍郎一聲歸山林作話柄竊度其所求  
不過如此而已進之退之惟所以命

與廣權帥丘迪嘉治盜書

某晦藏林谷不敢與聞戶外事每荷龐漢陽先候之  
厯且懼杜周甫寒蟬之誚有聞而不以告終愧於心

民吾同胞也况父母之邦之民乎方此上下疑懼之  
時某儻以利害不切己而不知恤桑梓之人交責以  
義無以自立於父母之邦矣夫治盜固貴於嚴尤貴  
於審惟非盜或遭橫戮而真盜未必能獲此賊盜所  
以滋多也前乎嘗聞途人之言曰某人以姓名同而  
捕某人以盜賊之親屬而捕幾人善良也亦皆捕未  
幾則某人鬻矣某人梟矣某人截手足而死矣心甚  
悼之而悔不先以此聞徹足下伯仁由我而死之念  
至今不忘日來所聞又有甚焉蓋官司捉賊不容不

倚辦於隅總而爲隅總者類皆小人不識道理但知  
憑威勢爲姦利安知人命之爲重往往半公半私以  
快其所欲或宿怨之未償或厚需之未厭或黨與之  
所仇陰嗾使之甚其誣捏送于官彼覬厚賞者利於  
俘數之多略不分別躬自訊鞫窮極慘酷誰不承伏  
雖分麗諸獄然羣有司非卓然自立者未有不承望  
風旨自爲身謀何敢可否於其間足下以疾惡之心  
視已成之牘則皆死有餘罪有非其情實足下烏得  
而知之利歸於小人謗歸於足下使足下知之必不  
肯輕於筆矣自清遠兇徒日就擒獲則足下之功亦  
偉矣必不藉此區區數輩以張功狀非通徭而爲通  
徭非賊而誣以賊豈足下之本心哉今士竊議於途  
什什伍伍輦蹙私語而某於朔旦固嘗面言其略旣  
而聞用事者有遂非之意恐足下竟爲儉巧轉移草  
菅斯民虧足下之盛德某連日思之食不下咽寢不  
安席私念此身非僥倖一官家在城市安保此禍之  
不及也惟視人猶己之心噤不一語安乎故盛服焚  
香籲天而布此札稍有一毫私心天地鬼神其誅殛



之惟足下是非之間審之又審謹之又謹與其殺不辜寧失不經使平民免於屠戮于門之陰德豈易涯邪某狂妄之言至此極矣不敢復有言矣若足下不以爲然而不加之意則是邦之民遭此厄會某抑末如之何也已倦倦愛助之心惟足下其察之

狀

辭免知贛州狀

照對某淳祐七年十二月初九日準當年十一月空日尚書省劄子備據某狀辭免繳回差知贛州省劄

十一月三日三省同奉聖旨不允并元省劄付某者殊渥仍頒微躬無措某切謂榮寵迺人情之同欲威令宜臣子之欽承矧閑廢而得州合馳驅而徇國伏念某最涼其分不競於才咸謂之迂非剗裁之敏手而有斯病由憂懼之熏心字對眼以如遯事轉頭而隨忘曾是可當於劇任冒然繳納於除書雖不加以方命之誅猶例待以具文之遜量已莫裨於世用籲天更積於衷忱控告廟堂奏徹旒冕憫此柳蒲之脆質許其香火於真祠二千石起家之除不爲棄物一

再偃循墻之避庶附全人所有省劄二道寄留廣州  
軍資庫未敢祇受須至申聞者

辭免除福建提刑狀

照會某淳祐八年正月二十二日準淳祐七年十二  
月二日三省同奉聖旨李某依舊直秘閣除福建提  
刑劄付某者異恩沓至小已若驚伏念某起自單寒  
最為綿薄樗櫟散材之無用豈適時宜草茅習氣之  
未除易與物忤內徒汙於班綴外何有於民庸僥榮  
頗越於分涯未老已成於衰証怔忡多忘視聽難真

一障承流尚慮驚疲之弗稱列城折獄自憐臆技以  
奚堪敢貪斧繡之榮懷有針氈之愆莫禪國事徒速  
官刑仰祈宰路之奏陳特畀祠庭之閑散倘必待其  
曠敗而後加汰斥孰若察其真切而早賜存全退處  
山林庶可療采薪之病稍遲歲月不敢辭蹈刃之難  
所有省劄寄留廣州軍資庫未敢祇受須至申聞者  
請謚李韶方大琮狀

昂英竊惟端平更化當時言官皆上親擢修名直節  
翕然可稱今其存者悉已顯庸其歿者悉已節惠獨



有內翰端明殿學士李公韶石史寶謨閣學士方公  
大琮節行立於朝功德著於民乃聲實彰著人所共  
知者且其官品皆應命謚而既歿數年易名未舉非  
闕典歟昂英待罪奉常不敢自嘿竊見李公韶自爲  
太學博士已有直聲方公大琮早登高科服勞州縣  
三十餘載耻及權門人知二公卓然有立迨蒙拔擢  
感激思奮聲猷相繼至今若存李公韶爲臺諫侍從  
爲詞臣出入數十年間彈擊姦孽呵斥近侍明辯和  
戎之非乞正首兵之罪權姦挾君柄國則援春秋世  
卿之法以攻之權姦服除予祠則帥從官合詞以奪  
之其辭召命率是經年其居要塗無非去日其知道  
州則葺元公故居錄子孫於學提泉舶則盡卻兼司  
非額之宿例治臨漳則極言遣使秤楮之弊端其清  
名勁節終始不衰方公大琮居言路侍右螭兼詞掖  
不一二年首疏明綱常再疏正君心斥舊璫之蠱媚  
抑後宮之濫恩建明國本則乞立內學以重教養愛  
惜時望則力與給舍爭辯是非奴才守邊者禡之重  
名器也揣摩得官者革之息邪說也其將漕福建舉

行荒政賑糶有方寬弛鹽征與民均利移帥嶺隅首  
尾五載潔白自持恩威並著訂正釋奠禮則取淳熙  
新儀按其服噐而一新之舉行鄉飲酒禮則沿中興  
舊典本之以儀禮而屢講之買田入濂溪書堂節用  
創備安四庫增補軍額而盜賊不敢犯境禁買南物  
而蕃賈至爲立祠其英聲茂實內外如一嘗觀狀李  
公之行者曰忠厚純實平粹簡淡於人物無臧否而  
遇事敢言無所避忌而狀方公之行者亦曰謙和冲  
澹奉已約薄閒居不見喜怒之色至其立殿陞學是  
非凜不可犯始李公在臺端劾內侍女冠方公以言  
官請故相罪兩疏同時聞者聳動謂仁者之勇會明  
禮免相李公除權工部侍郎方公亦除起居舍人是  
其制行同志尚同出處進退皆同而其未及盡用也  
亦同昂英每念人才難得晚節難保若二公者生爲  
名臣歿爲全人稽之典禮宜得美諡以明公朝勸善  
之意是用轉聞于上



李忠簡公文溪集卷之十終

李忠簡公文溪集卷之十一

宋門人李春叟輯訂

判

泉行齋學生蔡順孫等劄子

院學賓職事判

泉學生蔡君順孫舊識之于南海別去兩年矣頃乎其弟源來訪于贛亦太學生也文皆怪奇可觀而丰標灑落傾一座如雙璧相照映使人起敬問其衣何

判

文溪集

以墨則曰有母之喪也問其所以來則曰爲貧所驅也昆季方淹恤而不憚遠役豈其不得已哉且致辭曰鷺洲書院有學賓無限員監司帖差前此甚多願得此以糊口庶專心學問也昔范文正居憂嘗掌學事今欲爲書院泛職於理無礙况書院之設政欲儲四方英俊相與講貫以上庠之士乃屑預藉其間亦可謂下喬矣不猶愈於其他濫吹者乎照所陳帖差充鷺洲書院學賓夫所謂賓者當以客禮待之每月錢米宜加優厚少俟服除卽叅太學亦非久縻廩稍者也

蠲除受納官事例錢判

朝廷置倉受納苗米所以給諸軍月請計民之產而取之甚非不得已也民之輸官剝肉補瘡豈其所樂哉官員吏卒每石立爲定數而誅求之不知作備於何時沿襲旣久目爲常例吏卒小人不足責也官員自有俸祿差充坐倉董納亦職分中事乃公然取受略無愧怍習以成風所在皆然而錢數未有如江西之多也故於未開倉之前爭營求爲受納官上官或委



之私人明言照顧之益有一年在倉而獲數千緡者  
此錢何從來哉皆民之膏血也當職起自閭閻久知  
此事思欲一洗陋俗去臘承乏攝郡未欲便行改易  
姑止將苗倉事例錢自官員至吏卒痛加裁減雖所  
減之數若不多然積而計之民之蒙惠亦不細今年  
次第開倉所合先期告諭士自一命以上皆當以愛  
物存心臨財毋苟得必義然後取士非吏卒比也上  
件錢既令甲所不載委是違法而諉曰有例受之安  
手爲士夫不自貴重乃下同於吏卒其人品亦可知

矣今一時同官亦多端潔好修之士豈甘自汙下特  
前此未有人說破故爲受納官者未能自拔於流俗  
之中耳今自開倉日爲始監納官並不可接受分文  
事例州家每月自有添支錢會一十五貫文儘可以  
供入倉飲食之資若能洗手奉職革弊察欺自當刻  
薦以示旌異其吏卒等人且照去年榜文裁減數目  
不得過取分文仍不得故作邀阻因而索覓如招詞  
訴定行決配攬戶仰照官司除去官員事例一項減  
價接攬不得欺瞞鄉民如違重作施行案只今備榜

仍報提刑司遍牒本路軍州一體施行

發妓孫惜回南安軍判

當官籍妓使終身不得復為良人非盛德事也本司  
昨見阿鍾之詞蓋念婦人無知一犯不韙則妓之是  
無以開自新之路此塗通判之擬未敢以本軍施行  
為是此亦忠厚之論也今觀本軍所申則孫姓婦人  
元是路妓散樂因公吏盜官錢游其家事發係籍則  
其人先已為不籍之妓矣又非可以有專夫者並論  
籍之似不過為本軍以為此事有關名分在本司何  
可固必雖然為路妓人則其身可以東西南北逐食  
為妓則老死於其土而不得釋如鳥之入樊籠魚之  
在盆盎見其他鱗羽翔泳於天寬海濶之鄉健美而  
不可得仁人君子見之亦必惻然今從申將孫惜押  
回本軍留之縱之惟地主所命已照施行

革推酤弊判

官釀則弊積於吏卒之侵欺難於遽革以漓薄強人  
飲而售其直官之取利奚安民之受害未艾稅酒民  
甚便之而所收難以豫計則郡計有不足之慮至於



城外拍戶尤要區處得宜不然則前日之耗於吏卒  
之蠹者所失猶少而稅酒之後耗於奸民之隱蔽者  
所失更多始謀要當謹重審詳不宜草草須是商量  
利害到底為一定而不可易之論方可見之施行不  
然則朝行夕改徒為紛擾觀陳事宜共一十八紙會  
計出入之數關防內外之弊討論裨助之策亦可略  
備今專請塗通判集兩司僉廳商議取所陳切當者  
次第之詳為規畫立定格式庶幾經久可行而不可  
變此非止為一時計若行之而官民俱便則聞于朝  
乃百世之利也切望同寅留意早有成說

行狀

崔清獻公行狀

崔與之字正子增城人家貧力學自奮先廣士有當  
試成均者率憚遠不行公毅然勇往既中選朝夕肄  
業足跡未嘗至廛市禮部奏名廷策極言宮闈皆人  
所難言擢乙科廣人由胄監取第者自公始歷潯州  
司法淮西檢法官皆有守法持正之譽改秩宰建昌  
新城素號難治公始至歲適大歉民有強發廩者公

折其手足以徇因請自劾守大異之開禧用兵軍需  
苛急公悉以縣帑收市一毫不取於民和糴令下公  
依時直躬自交受民自概不擾而辦爲諸邑最趙漕  
使希憚令諸邑視以爲法且特薦于朝他司相繼論  
薦時相欲留中公不就通判邕州薦者咸以爲訝勉  
公使留公不可諸公申其請有旨與在內陞擢差遣  
公抗章控避乞俟滿而後受從之邕守武人惟苛刻  
御禁卒無狀相率爲亂公時攝賓陽聞變亟歸叛者  
將擁門拒之公疾馳以入執首亂者戮之縱其徒不  
問闔郡帖然擢守賓陽提點廣西刑獄甫廷臺徧歷  
所部二十五州大率皆荒寂之地朱崖隔在海外異  
時未嘗識使者威儀公至父老駭異諸郡縣供帳之  
類一切不受兵吏不給券携緡錢自隨計日給之停  
車決遣無頃刻暇獎廉劾貪多所刺舉風采震動召  
除金部屬金虜南奔邊聲震恐淮東密邇故汴朝廷  
謀將帥難其人除公直寶謨閣知揚州安撫淮東公  
言邊釁已開相持六十凡所措置大抵虛文從事宜  
擇守將集民兵以固基業除公工部侍郎尋加煥章



閣待制知成都府本路安撫使公言實邊斯可安邊  
益州爲四路心腹惟恃錢穀厚於他郡軍興帑庾告  
匱宜厚儲積以壯邊陲拜疏卽行初安丙檄西夏夾  
攻金虜不克虜乘勝數盜邊蜀大擾丙薨公便宜度  
劔以鎮關表除公制置使盡護西蜀之師西北二國  
合從攻鳳翔叩鳳州借糧於我公條畫事宜密授諸  
將隨宜酬答騰榜諭陝西五路遺黎俾築塢自固倚  
我軍爲聲援建言成都灘瀨險遠艱於漕運立運米  
常格奏行之自是兵皆足食蜀賴以全五年丐歸除  
禮部尚書公輕舟出峽徑歸五年自是不復出矣築  
室所居之西偏扁菊坡刻韓魏公老圃秋容淡寒花  
晚節香之句於門塾蓋雅志也公之門無雜賓連帥  
部使者時候其門歲僅一再見未嘗一問外事端平  
乙未二月推鋒叛兵自惠陽擁衆扣州城郡守曾治  
爲宵遁官吏羣造里第請公登城公肩輿至開諭禍  
福又遣門人李昂英楊汪中縑城親諭之其徒俯伏  
聽命咸欲釋甲以歸而倡謀者黠甚以嘗害博羅令  
懼不免相率遁去入據古端州以自固俄有旨依舊

端明殿學士廣東經略安撫使兼知廣州公卽家治  
事區處條畫揣摩調度動中事機召兵四集賊一戰  
不支聚其衆於苦竹嶺窮蹙乞降公命分隸降卒於  
諸軍而戮其桀黠者俄拜叅知政事八辭不受踰年  
拜右丞相上遣中使促召命守帥彭鉉勸請又命卽  
官李昴英御命而至遜辭凡十三疏上知公志不可  
回詔卽家條上時政公手疏數萬言上皆欣納家藏  
御札七通有文集若干卷其文明白謹嚴家大酉書  
其端曰東海北海天下老亦有盡歸西伯時白麻不  
能起南海千載一人非公誰公善知人平生薦引惟  
游侶洪咨夔林畧魏了翁李惟傳程公許後皆爲公  
輔公嘗度劔關留題詞蒲澗清泉白石怪我舊盟寒  
里人采其語立公生祠於其地及薨贈太師諡清獻  
初公持節廣右見於施行者維揚倅高帷月鏡梓曰  
崔公嶺海外澄清珠崖之人又編次其罷行擾民之  
政曰崔公海外澄清錄在蜀人繪公像於仙遊閣與  
張忠定詠趙清獻抃竝祠號爲三賢淳祐甲辰廣帥  
方大琮祠公與張文獻九齡于學號爲二獻



韓公嘗與嬖穢開留黜信蔽闕肅泉白曰對并舊盟寒  
茲出共谷蕪林畧躋了餘李耕劃野公信對習為公  
捐跋南燕十薄一入非公結公善映入平主蕪臣耕

李忠簡公文溪集卷之十二

宋 門人李春叟輯訂

祭文

祭許象州文

維淳祐十年歲次庚戌二月朔越祭日門人朝散大夫李某謹以清酌告于近故判府朝議純齋許公先生純齋之學本源一誠文最近古誠之著形政先及物誠之流行問無不知惟誠故精事至能應惟誠故

祭文

明誠則無欲永蘖自清誠則無營軒冕甚輕師道自  
任南海橫經曾入範模一一玉成士德之淡共祠之  
黌至今朔望羅拜于庭絃歌東莞課試始程亦崇厥  
祠書閣崢嶸菊坡西山皆極口稱才可經綸位不公  
卿既踰七袞乃僅雙旌輟俸廩士食續貢英藻飾泮  
宮百廢並興米入斛減鹽出衡增寧捐公家以寬遠  
氓曾未期月洋乎政聲老不廢卷細書如蠅斯文之  
厄泰山俄傾志未盡伸用未及宏夫人惜嗟而况諸  
生某少撰杖屨早蒙旦評誨猶藥石愛猶父兄猶記  
厦旃薦公姓名年貌幾何清問親聆未幾去國竟負  
師承靈輻來酌東灑涕凝返築未能何敢不銘伏惟  
尚饗

祭鍾子鴻文

維年月日朝散大夫直秘閣李某敬奠于故友堂長  
秘校子鴻之靈潮號士區君名最早昂藏標度磊隗  
胷抱天文地理瞿曇莊老博識其書妙處精到桂湘  
閩浙江淮蜀道名山古迹窮極幽討文窺先秦詩軋  
郊島長章鉅篇奮筆一掃小奚蹇驢輕裘短帽掀髯



揮塵廣座傾倒所至交期豪傑諸老愛如至寶鉞粟  
屢空克然養浩斗酒孤酌絲桐一操不屑意於科舉  
趣林泉而高蹈樂窩之叟茹芝之皓喜方外之散侶  
對王公而睨傲達觀大方齊物自號希年少一素無  
病惱臥纔數日遽以訃告幸有諸郎收拾遺藁某  
十年間情篤交好日從吾游研索理奧益者亾矣不  
勝悲悼寸心惘惘一奠草草尚享

祭廣帥右史方鐵菴大琮公文

厥今人望若晨星稀公老遠播天復奪

之悲海內善類蓋莫不歔歔也嗚呼公之學探聖門  
之微公之文根理窟而奇靜者其性而敬以持暄日  
霽風接物怡怡見義勇爲鐵石不移敢言動天無愧  
拾遺使部其鄉肯故人私蓋海旂幢前誰五晷精神  
筋力畢竭于茲器古樂成幅巾淡衣鄉飲凡三動中  
禮儀齋廬閱閱書閣巍巍玉女青衿賢哉帥師續累  
千言判墨淋漓兩造息爭曉之片辭雪軫爾寒荒恤  
爾饑手拊遐氓父母其慈崇堂大榭闢圃東西杖屨  
婆娑民共教嬉突兀軍門雄視南維庫曰備安貯緡

不貲為此洲千年計而百廢必治子產之仁校人猶  
欺孝肅之明吏計得施人知公心如玉無疵大書連  
篇幾德政碑萬人香火在在生祠蓋信之久德之淡  
不待其去而後思詔徙洪都將以公歸素無病惱一  
臥不支語音朗然易箚之時面貌如生卒襲之尸所  
養又可知也其疇昔嘗寮今巢一枝肺腑不隔真切  
相規商評古今竟日塵揮公不可作何所質疑洒落  
涕俱世少子期

又路祭方右史文

輜車東浮兮黃木之灣傾城挽送兮積涕回瀾魚龍  
泣護海山慘顏惡人多壽兮賢者不使之生還天不  
可問兮時事愈難卜年締交兮相照膽肝色笑若平  
生兮夢寐之間羅浮之約付渺茫兮冷月空山想像  
蒼蚪於炎洲兮一酌招魂

墓誌銘

林隱君墓誌銘

昔之以卓行名不必皆仕者也懿于一念竒于一節  
太史氏筆之則聞滅沒無亦多矣南海林君傳鄉曲



稱好人焉闔其名端甫其字訥然言頽然貌而所存  
踰人遠甚不心乎利名不色乎喜怒不耳乎人之過  
屋闔闔中惡其囂闢隙地於後窠花盆荷觀魚狎鶴  
寄意塵表或窮年不出及妖卒譟城下官委之登陴  
執戈爲里閭先時窶民窘食指困以給有述前古吉  
凶人明驗可爲世勸戒者君模本散布費不貲不靳  
已樂善且欲夫人皆爲善已不敢爲惡且欲夫人皆  
不爲惡用心類如此安然一生七十有一歲而終將  
以寶祐七年八月甲申寤之于番禺縣峩官山子一  
人名洪娶余女弟者拜且泣以銘請可書于其人不  
于其姻曰  
秉彝之真古之遺民茂其後昆此爲種德之根

學士林君墓誌銘

君諱植字建之譜系古汴名閩也國朝南渡初乃先  
世著作郎佐郎俛始徙其族浮光絕復規菟裘遂定  
居于閩之長溪厥後簪纓代不乏人如家汴時迨君  
之曾大父坦隨季父宦遊南海遂之番禺家焉坦生  
君之王父清臣清臣生君之皇考申早聲場屋爲庠

序冠冕儷于扶風氏生君甫髫鬢夔穎悟暨長娛色  
養必愉必婉以至于失怙恃哀瘠終喪無嘉容且終  
其身濡露履霜之思弗少替噫孝已夫孝爲百行原  
宜乎君之行著於鄉咸曰義人也同胞五人有鶴原  
急難君屢蹈死弗顧親黨里閭有窶不自賑者有及  
期不能婚嫁者君罄所蓄賑之茲皆厚於事親故推  
其餘以往所薄者厚也亦宜使假君以年則強爲善  
當益充惜也其數七七而止寶祐甲寅正月初五日  
歿于正寢易篋之際作數詩偈皆蛻生死語悲夫君  
室隴西氏子元申弱冠嗜績文婚于玉牒時濬之女  
女二人長適予之長孫亨寶次將及笄戊午七月辛  
酉龜筮襲吉其孤泣血托榼窶于郡之永泰里虎欄  
之原祔先塋也余識其丘隴銘曰  
君義人孝天性世茂閱喜余慶宅大宵閱魂永櫛拱  
今後昆盛

雜著

韶石說送曲江趙廣文

韶盡善之樂也以名州嘉矣名之則昉于唐初去舜



之時如此其遠也山有異狀石耆老相傳嘗於此九  
成焉故石之形肖之其說甚荒唐無稽粵嶺秦始通  
南巡狩故未必至此然聖人聲教之溥如日月所照  
霜露所墜粵當舜之世獨不在舜之天地中乎甚矣  
聖人之德感人深且久矣後乎舜千有餘歲季札  
觀樂三歎不已夫子聞遺音肉食而不味至于今  
又千有餘歲而石其思廟其依常隱然在人心舜何  
以得此於州之人州之人何以不能忘於舜也孰謂  
州之人非其遺民乎則此石特人心感觸之一機不  
必致疑可也教授趙君崇禋旣模南海禮樂器以文  
丁奠且將樂于有虞氏之祠以實是州之名好古敏  
以求之者也舜何人也有爲者亦若是此當求之於  
金石絲竹之外趙君淑諸生而古其心必有道矣淳  
祐八年二月朔

送邵淑

肉食者得良客難尚矣象床之諫迹是而心差傾坐  
之琴人高而行穢欲避正堂夫誰能當况治獄官乎  
館尤難於客貧者因以貨愚者爲所賣卓然自立之

人事決之心揆之理得矣彼既無所容其欺假托焉  
于貨主人之公見偶與彼之私情暗合則人競趨之  
矣雖身賢而奚以白於人爲累豈細哉余同年生顧  
君雲仕於時爲郡理狴犴事廉平聲孚於吏民三年  
矣而未聞有客也一日邵君淑來訪銜袖有詩問奚  
自曰顧君館舍也語叩其隱其來纒纒心敬之不專  
章顧君賢究所自樹能不以一介輕取與節可尚也  
他日得其位行其志操守可知行窩將出領可無言  
以分一中造化心上經綸歸而求之家有餘師

贈懷集莫貢士

不見莫君瑞應八年忽叩門訪小隱留之對荷花細  
酌因談懷集產水晶石瑩明特異惜吾邑無能攻治  
之者列之几案供拊玩清寒照人亦天成奇物也余  
曰君亦猶是夫一日遇良工具眼稍加琢瑳卽成美  
器矣時有龍舟躍至小溪君喜甚舉太白滿引淳祐  
十年夏五月朔

贈香山王公

先人與香山王君爲莫逆交余兒時撰杖屨侍左右



見其情好親密如兄弟先人下世今九年執友凋落  
盡獨翁一個在扁舟遠遠入城敘契闊余適有季弟  
之戚不能欸曲陪色笑而遽辭歸使人感慨不忍別  
翁六十有九強健不少衰許明年重來必不渝此盟  
也

贈傅神張森

建張材叔以能模寫晦菴翁名江湖間藝士也而多  
從名公卿游氣象猶士也非若世之庸手但能看人  
顏面弄粉墨探理義之精微豈不有得於公之心也

哉余曩使建將繪公像問孰能之者皆首稱材叔禮  
致之果奇筆也別十餘年忽來訪山居技益老老益  
窮南北數千里逐食役役無寧歲蜀僧之鬻傳神得  
妙柳仲塗謂其至藝天與織無差忒寫太宗龍顏天  
爲之笑寵榮冠一時品題連篇不止一仲塗而材叔  
至今不遇何耶遇不遇有命焉歸尋舊隱集西山數  
老宿褒字遺子孫足以不朽孰謂材叔不遇哉淳祐  
十年端午日

送相士朱杞

士大夫贈相者之言多譽喜其美已也相者對士大夫之言多佞望其利已也彼此交相悅遂無是非之心俗之不古類如此或薦談相朱翁杞來曰此以具眼得品題於諸老者袖出復齋西山遺墨而信意其見必真守必固試歷指座客使鑒別則多臧而少否乃心果無所利果無所隱乎忽以將東歸告不贈之覲而言之乞褒字之爲惠不費吾何靳懼同乎流俗而不自拔也故不敢

從學者題名疏

李子先經義知名湖海間尤長於論策訓經生固其本色賦友欲師其後場之文無不可者先疏來學者姓名豈若世之有求於人者哉蓋欲知其爲如何人耳李子先春叟字也

諭鄉飲酒行禮者

某承乏此邦愧無善狀惟於風教所關不敢後已涓吉旦迎賓僎介于庠行鄉飲酒將與多士共興禮遜此蓋以古風相期待也禮云禮云豈虛文之謂揖遜升降進退周旋亦可以驗其人平日之所存禮之有



儀所主者敬儀之不肅斯焉取斯行禮之日執事者各供乃職在列者各謹威儀頭容必直手容必恭足容必重毋惰以羞于傍觀毋譁以亂我籩豆德音孔昭視民不怵凡我同志敬之母忽

諭鄉飲酒觀禮者

某講行鄉飲率由古禮俾邦人皆得寓目焉政有望於相觀而善也動作有法容止可觀執事者固在所謹然觀者亦當整襟正視屏氣肅容攝以威儀共成嘉禮倘或跛倚謔笑是干大禮以自取輕此豈真好禮之士哉觀禮者固欲觀行禮者之敬忽而觀禮者之敬忽行禮者亦於是而觀焉

諭峒長文

有子曰其爲人也孝悌而好犯上者鮮矣不好犯上而好作亂者未之有也

善事父母爲孝善事兄長爲悌犯上是干犯在上之人作亂是爲爭鬪悖逆之事蓋人能孝其父母敬其兄長便識道理知名分少有犯其上者既不犯上必不肯作亂大凡世間作犯上作亂底事卽是不孝順

父兄底人若是孝順父兄底人便不肯做犯上作亂  
底事有子之言最為親切然人雖至愚未有不可化  
者監司郡守纔見有一二梗化之化便一切待以非  
類加以刑戮他既冥頑無知而長民者又無以開諭  
訓誨之使誤入於惡者終無自新之路良可憫也今  
進爾父老子庭諭以此言爾其歸告鄉黨子弟宜細  
思父母所生我者須當孝順兄長同胞而先我者須  
當敬遜則此心和順自不為惡汝等得與父母兄弟  
妻子同樂官司亦得與田異相安豈不甚美其有暴  
狠不率者則是孟子所謂禽獸而非有子所謂人也  
國有常刑後悔無及

李忠簡公文溪集卷之十二終





卷之十三

李忠簡公文溪集卷之十三

宋門人李春叟輯訂

詩

五言古

送廣帥趙平齋汝暨解印趨朝

海瀕老同年五載依宇下春風舞箑笠愛日曝田舍  
喜無撞搪吏追逐歛段馬劇談許條褐得趁公餘暇  
達官來三迳小隊隣翁詫明公傑俊人麟族稱大雅

詩

典刑樣諸老胃次郁醞藉西泝其源境物入陶寫  
才高事無難隻手擘太華乘輶始踰嶺風采賢使者  
堂堂開大閩部屬肅鞞帕臺端有老蠹闖影含沙射  
孤忠冕旒知還許河內借鈴齋安獨處冷淡閑僧夏  
例錢推不受金貝視土苴首祠酌泉翁坐使饕俗化  
葭萌細摩拊生意被原野循良渤海遂平理潁川霸  
威風戢偷竊德意銷詭詐能令颺母伏默禱雨師灑  
開倉散窮閭儉歲低粒價貢場宏敞拓托士千間厦  
歷觀古賢牧美政其公亞讒夫真枉了有識共唾罵  
君子竟何傷微譽愈膾炙詔還九棘班明發不俟駕  
傾城送津亭牽纜不忍捨老夫前致辭再拜進離竿  
立朝要敢言切勿效喑啞此行衆所望磐石鞏宗社

送荆門王廣文之官

京都士如雲一見知好修未嘗廣文飯已替肉食謀  
炎門耻曳裾漫郎肯從游驚座吐倔奇倚塵覺我羞  
窮邊人憚之長笑驅行舟遠烽亂夕烟胡馬驕高秋  
清野空子衿叢棘荒半流此去欲何之幕府應拔尤  
吾道豈空談取勝在一籌獻馘早歸來平步班瀛洲



久住白雲呈鎮長老

桑下戒三宿我此尚留戀曹溪悟一宿我復無知見  
鎮公房遜客所須如執券園丁曉供茹行者時灌硯  
飯奴更菊馬紙帳費香篆主人真好事應答色無倦  
欲歸興未闌欲住面有靦飛錫肯三逕亦有伊蒲饌

游峽山和東坡韻

雙虬挾泓玉輿入百轉灣向無長公詩草木今何顏  
此山二百年蹇偃客往還長風駕余舟老人急開關  
逢迎欠高僧喜有識面山平生癖幽壑便合茅三間

君命何敢留歸棹隨賜還慚愧和允翁笑指青童髮  
酌別張子元

子元已注今年班籍去臆余以言職免歸子  
元不待引見毅然相隨南還茲再入京送之  
至鑿空閣下用東坡韻酌別

去冬初去國途旅等順境袖機衆危之沙蜚伺人影  
拂衣肯同歸荒驛燈夜求幸脫妖墓口黑夜重磨鏡  
勤君再役行我愧心耿耿陛下皇明穹賢聚織邪屏  
石渠盛此士豈復松廳冷胷中貯奇策可以靖邊警

平生羞轅駒看取囊露穎堂堂曲江翁芳躅在梅嶺

又

南士如君幾妙處方寸境撐腸五千卷落筆擅三影  
喜談狂朱雲耻作諛谷永憂時點髭雪未肯疎鑷鏡  
摩挲匣中龍起視斗牛耿每同畫灰語寒夜僮僕屏  
吾儕期歲晏世俗任炎冷江亭揮別酒謔笑鬪機警  
景文兄弟情畝異永同穎日邊多便驛頻書來越嶺

重九遊鬱孤臺和座客韻

座上多俊人奇屈角拔犀追風飈館遊鼉鳴玉龍嘶

夕陽催歸鞭更酌樽重携懷開鈎鈎簾語合印印泥  
似與花神期拈出糕字題壯哉千尺臺虎踞譙之西  
枰中十萬家一日城市低乘風巾可橋取月箸可椽  
豪氣壓崆峒雙月照虹溪響山慨懷古妙句吾家雞  
邦人趨邀頭壺榼山之蹊最喜秋事成千畝黃雲齊  
是日至馬祖巖和前韻

九秋天地香龔產饒木犀登山詣其巔風健戲馬嘶  
偷得一日閑古錦奚奴携秋陽閣霏雨飛蓋換障泥  
舉揚馬祖禪拂摩老坡題菊萸勸人飲猛吞玉東西



凭闌視九州莽蒼烟水低如何昌黎翁華嶺須縛梟  
野性淡無嗜所樂惟山溪每羞名利區得失爭蟲雞  
意行契真趣荒苔踏成蹊嘉辰且盡歡聚散或不齊  
肇慶府倅王庚應平反廣府帥司寬獄詩以紀  
其事

人生天地間本是同胞出貴賤與賢愚分殊而理一  
上帝立君師朝廷設官職凡百有司存各欲盡其責  
一或無人心何以順天則廣南十四州官吏幾滿百  
公道孰扶持田野多菜色大桀作威福小桀肆蟲賊

周興而爪牙却超而賓客君祿君忍欺天民天弗恤  
饕餮事筐筥殘忍尚徵繆可憐田舍翁駢首膏斧鑕  
可憐富家兒鞭背遭黥墨怒氣劇炎火讒言易轉石  
恩門甘仰面墻間爭屈膝喑啞一世人天高雲霧黑  
豈無賢大夫留此一綫脉堂堂西蜀翁憤氣填胸臆  
尚友周濂溪拙矣謀身策念我同胞人罹此操戈厄  
苦語爲平反片言天可質細閱拙錄篇事事皆陰隲  
孟子謂非人由其無惻隱此翁仁者勇姦諛誅以筆  
天道本昭昭彼巧竟何益吾皇本好生桁楊西列棘

安得百于公落落參邦國

苦秋暑引

已酉歲廣漕丘廸嘉攝帥苛虐流毒朝廷劄  
趙倉汝堅兼攝帥漕其人利忍不授印故作  
是詩

商金久得柄老火未退舍甌中着寰宇赫酷甚於夏  
池湯頗殃負田龜應害稼桃笙亦漿汗水國無涼榭  
扇揮腕欲脫忍渴畏杯筭樹間寂秋聲矩令何時下  
四序本循環寒暑相代謝炎炎推不去誰與詰造化

人思濯清冷風露願一借再拜祈蓐收西陸早命駕

七言古

觀入試者

鍾撼雞鳴萬家起月下紛紛白袍子提壺挈榼春遊  
開擎箱擲篋誰家徙通衢隘塞行人絕露坐欠伸奴  
跛倚遠聞雷譟轟應答近亦洶洶殊聒耳軋然棘戶  
破曉色陣脚忽移去如蟻壯夫先入護几案儒雅雍  
容行且止垂髻趨闕未知苦戴白相持歎衰矣自從  
明詔到郡國士出深山集城市但能操筆不曳白秋



榜人人都準擬分明結社戰所兵投合主司誰得髓  
昨科試人今或亡三年場屋能消幾功名信置分勿  
言身健頻來已堪喜槐黃早脫吾僥倖因送兒曹得  
觀視傍人休笑李秀才三十年前亦如此

再用觀入試韻

涵育累朝士興起薄海絃歌爭教子贏金世守韋一  
經俎豆少成孟三徙盡從科舉梯進取鶴髮望深門  
倚藝先德後已非古心術乖違徒口耳天門髣髴  
爲馬陰德却關橋渡蟻時來乳臭亦觀光潦倒英

雄頻坎止棘闈投卷姑應之桂籍題名先定矣可憐  
數千困耗僅二十人誇利市近歲文場尚剽拾文  
體腐陳難古擬倩人者幸耘人貪氣習陋汙淪骨髓  
主司頭腦易冬烘日色不迷世能幾所憂程文悞後  
學豈但升沉繫悲喜他人愛子亦如我何敢庸心秦  
越視願言通榜皆實才如已得之無彼此

送梁伯隆歸丹谷舊隱

秋臺之客自建上來省携以偕行

昔人入山訪隱君每恨見山不見人子持畫圖走跋

文海集  
七  
駿人雖可即山非真自言谷中萬修筠泉鳴琮瑋石  
嶙峋誰敢混跡麋鹿群雅意遠遊濶見聞飛筇遂過  
南海瀕翻海一洗征衣塵東望絕域天無垠藥洲風  
月蒲澗雲間出奇語頗自珍奚囊十襲而三熏槿花  
猩血荔錦紋何如故圃桃李春江湖社友杯十分何  
如族聚情話親行路之難多酸辛還家火急埋車輪  
拂拭磯苔開徑榛畹蘭籬菊庭古椿贈篇滿篋不療  
貧幾人煉藥能輕身本分荷鋤驅犢西疇耘武夷山  
下擊壤爲堯民

羅浮何君祐夫相訪惠詩又出所作水墨魚戲

題卷末

山頭釣引千釣魚鐵橋曾逢稚川奴風波平地誤點  
額戲取墨汁翻模糊縱觀濠上契妙趣浩浩胃次涵  
江湖墨雲忽從硯池起撥刺跳出形模殊大魚騰驤  
撼風雨小魚瑣碎游荇蒲枝如元放幾許奇金盤一  
箇松江鱸試張亭前漲波影春鋤飛下傍睚眦世間  
畫史少活筆描寫終類鮒肆枯文溪一灣浮釣徒欠  
得龍眠爲嚴瀨羊裘圖



三山亭

山中招提鼎足踞路如丁字分頭入遠看港汊紛長  
繩俯見阜丘纜小笠班荆坐僕縱之息爭解綠荷撮  
紅粒羣然飲澗忽喧噪石兀深叢疑虎立我起胡床  
劃孤嘯前峯響答松風急舉頭雲端尚天半搯竹板  
蘿進千級

題石室木

似屈纜伸蛇解蟄似斷還連龍蛻骨天河失却古槎  
糜落在人間撐突兀若非胃中磊隗灑澆出老死畫

工無此筆

題東坡竹

葉葉枝枝各標致密密疎疎總風味筆為化工壁為  
地刻頃種成此君子雖然月影水影寫真似安得千  
年尚生意

河南掃松訪古勝寺不遇中主僧

主僧走城磨驢兒廊僧閉門縮頭龜長髮行者披鶉  
衣淪我茗茗行相隨禪床破篔簹客自展急呼蒼頭揮  
大扇臥到夕陽暑力軟歸趁潮平柁流轉

李忠簡公文溪集卷之十三終

李忠簡公文溪集卷之十四

五言律

送鄭雲屋歸里

征衣點落紅君去與春同  
貧到歸時見吟多醉後工  
不應冠尚鶻自許氣如虹  
急着看山眼飛帆吸快風

送連推黃端簡赴班

端簡山谷之其兄端亮余丙戌同年也

宋門人李春叟輯訂



別我谷之盤今誰似二難西江詩種好南斗劍光寒  
千里依蓮重三年食藥安頭班人品稱春意暖征鞍

武夷觀

閑乘石罅船又到浙江邊回向初心地皈依古洞天  
成丹呼鶴舞噴酒起龍眠雨意偏留客杯茶定宿緣

建倉解歸詩復徐意一

恨未澄清盡孤蹤已不安繆悠臣罪大感激上恩寬  
鄉國三千里人心百八盤夢歸今始驗爲我謝言官

又

吏擎雙印出便覺此身輕物我忘恩怨漁樵寄姓名  
笛聲黃犢背詩興白鷗盟故舊休相訝無書到帝城

題雪峯因大夢頂相

終朝咬菜根那得許精神自笑形爲贅從渠盡不真  
閑雲留片影活佛化千身大夢何時覺癡人問木人

贈始興順首座

江湖三十載敗笠破袈裟老面阿羅漢全身小釋迦  
定無牛犯稼不見鳥銜花一笑西湖上相逢且喫茶

景泰寺

詩

樹合疑山盡攀緣有路通遠鴉追夕照低雁壓西風  
瀑勢雷虛壑松聲浪平空凭欄僧指似漲霧是城中

挽鈍齋先生許象州

家學存齋授淵源自晦菴

存齋公伯祖也晦菴為名齋且為之記

魁文

行海內師道重天南銜來冰條一州纔刁夢三芳名

却千載俎豆拜祠龕

又

義重人誰及高風有古人已田分友子

友人林司法初筮西廣終

于官妻子貧先

黎事保羈臣

顏瓊守

羈廣西先生以生割已田贍之

撫定黎峒有功朝抱負耕莘志依稀陋巷仁丹青遺

像在難寫道心真

又

丈席即溫之終身佩一言棟樑失安定山斗慘韓門

慟矣心喪重凄然手澤存江聲助悲此莫返大夫魂

白雲山見五色雀

羅浮禽五色創見此山椒錦羽嬉同墜鐵冠遷寂喬

疑隨仙馭過喜趁白雲招貴客非關我勞渠千里遙

送梁上舍必得大學解試



南國去天遠行程勿滯留試期催負笈戰決勝焚舟  
澹墨題金榜英聲起壁流旦評期望久着力在毫頭  
用前韻送潘上舍

謙為賢業址取履卜封留筆下千鈞弩胸中萬斛舟  
椿庭聞誨語米廩友名流連捷歸藍綬鄰翁好話頭

挽如老歸真

不見纔三日喧傳已坐亡平生功行到垂絕偈言香  
緣分無高利禪名却四方開包殘藁在切勿放毫光  
送葉耆卿試大學

背城羸一戰壁水是儒林詞賦八叉手功名寸鐵心  
程兼馳數驛學苦惜分陰清獻起庚戌長風送捷音

觀穫

負郭平田濶秋深穫課勤短鎌行缺月多稼剪黃雲  
舊臘占三白今年稔十分太平村舍裏墮穗飽雞羣

山行

塵中事日生撥剔且山行襜被欣然出登車趣便清  
奴爭携蠟屐客請帶棋枰纔過城闌外耳根無市聲  
後峒月溪寺

寺巧蟠山背池圓印寺前連筒泉落甃如鏡地無磚  
茗苦苛留客僧淳懶說禪使君期不至一宿笑無緣

是日期吳

守未至

樵者

近道其樵者勞哉食束薪運斤碎盤錯荷檐下嶙峋  
恐是仙王質何須貴買臣路傍迎我笑笑我絆簪紳

雲泉亭

白雲寺前新築此亭公為作銘

絕頂鬱其前寒崖噴玉泉亭成山補闕境勝我攬先  
樹杪江天接榕根石磴懸賞心遂連日合為智仙傳

哭清遠權宰樓海司法

樓君宰清遠峒寇一夕入縣治舍卒告變君  
挺身出諭賊竟遇害歿于兵

諭賊散私財冥頑不可回憤然瞋目罵吾已戴頭來  
一死當凶刃千家免劫灰遺孤元未有行路為悲哀

又

百里稱廉吏誰歎起釁端州符需賦急軍餉及時難  
節義扶澆俗朝廷贈大官邑人崇廟像猶似髮衝冠

送陳大雷試太學



裹糧數千里賈勇萬人場庾嶺琴書去橋門姓字香  
有司應眼具喜氣已眉黃踐履宜天相時文况所長

悼花首湛長花

碧眸泓鐵面跣足衲懸鶉數日蒲團定一如泥塑人  
施錢隨散擲忍辱已忘嗔丁字何曾識拈提話轉新

又

別我笑吟吟羅浮願刀溪空拳糊衆口平地起叢林  
山迥孤雲沒溪寒片月沉人今竒坐蛻在日孰知音

飲赴解試士友二首

座滿挺時髦經明亦賦豪幾年勤用志三日健揮毫  
笑取刁牛角相逢酒蟹螯有名還有分秋鶉碧雲高

又

少日諳場屋斯文爲細論艱深成札闥卑弱又西崑  
與客爲佳識當年是解元賀詩多辦取盛事屬于門

山寺夜起看月

丙夜忽窓白披衣起凭欄山川如畫見松檜照人寒  
孤鶴欵屋脊羣僧斲紙單燈前呼老佛妙境許同觀

看僧披剃

文溪集  
爾教言無相誰教蛻髮毛虛名猶度牒多事更方袍  
父認師傅的年推戒臈高冠巾何不可只要斷塵勞

挽右史方鐵菴詩三首

一疏綱常重端平起直聲難磨石宋璟不動鐵元城  
前輩風流在南州箇信誠精神兼學力傾倒爲遐氓

其二

喜怒皆和氣天全一片春眼高多識士心直不疑人  
稱得深衣古爭傳判筆神恙微談笑去忽失玉璘珣

其三

紙錢森插竹遺像在方橋月暗甘棠密風嘶韓木喬  
所悲緣國瘁於誼況同朝淒斷黃灣路丹旌些莫招

五言排律

觀定堂

梵宮凭水建蓬荜費芟除岸破羣魚出枝危獨鳥居  
定鐘僧睡早揮麈客談虛月滿龕燈小風停幡影疎  
供盤多佛菓僧飯飽園蔬惟有開山老清高閉草廬

李忠簡公文溪集卷之十四



李忠簡公文溪集卷之十五

李忠簡公文溪集卷之十五

七言律

送高禮部不妄知嚴州

從來直氣勁摩空又吐忠嘉忤九重  
指斥分明人所忌去留諄複上能容  
清風慨慕桐江釣異渥新疏竹使筒  
熊軾一行聊復爾羽儀禁路要夔龍

別陳霆

水福陳寔客鐵菴方公之館見謂清謹予送  
公之喪至浴日亭下餞以小詩

政喜論文子遽歸扶胥之口訪韓碑吟篇佳處南遊  
得行李輕如始至時石友秉心終可托鐵翁具眼遠  
相期勉旃辦取蘭闈捷四六供官且放遲

美廣帥趙平齋拓貢院

圍棘千間手拓開帥幢元是箇中來前峯卓卓尖如  
筆正路堂堂穩踏槐自此鵠袍容萬士渾然龍化出  
倫魁南州盡說明年好依舊科名得上台

癸丑菊坡翁登科

送循倅黃必昌之官

好風佳月說龍川人喜新來別乘賢才儘優為千里  
式學今有用四書全黃門祠下揮唵筆丞相嶺頭先  
着鞭莫但俛眉銜紙尾忍教田里苦顛連

白雲登閣

白雲捧擁到危巔傑閣翬飛倚半天谷響頗疑吟木  
客潮回坐見變桑田幾重山隔幾重海一日身閑一  
日僊真樂無如會心處林花野鳥亦欣然

雲關觀月



山間未晚先得月料想城中見較遲  
海吐銀蟾漸呈露林垂翠影早參差  
孤輪涵澗安禪處明鏡當空沉  
籟時夜半衰翁猶獨坐清光吸盡入詩脾

登峽山疾風甚雨

長風吹裂碧雲堆捲起銀河瀉下來  
雨攬犀潭千尺浪烟遮龍窟一聲雷  
松翁偃蓋巖隈立猿女穿蘿洞裏  
回舊事蘭亭好拈出婆娑溪曲共流杯

峽山飛來殿

龍門鑿破碧天池呈佛高峯插翠微  
對岸鐘聲猶隱耳御風簷角尚如翬  
二神擇地非着相雙錫騰空印上機  
此境世間如更有安知古殿不重飛

峽山全清閣

無塵明鏡太玲瓏匣向周遭紫翠中  
地有仙家雲母石天然上界水晶宮  
通宵如畫溪頭月盛夏回秋竹罇風  
萬斛客愁都盪盡一杯聖酒盡闌東

同劉朔齋游白雲寺

衝暑登高人所憚雲韓龍孟樂相從  
眼窮溟海九萬里身在蓬萊第一峯  
潮長嶼低帆勢急山迴路曲樹

文溪集  
陰重日斜移席臨飲戲掬清泉酒容解

又

勘破禪家最上關掀髯朗笑響千山海門正涌冰輪  
出昏鼓先催玉節還獨上層巔風浩蕩歸浴小澗石  
孱顏尋幽本是閑人事聊復分君半日閑

送張子元班見

笑掇巍科是管君等閒馬上換京官扶搖九萬從今  
易植立千年自古難多辦衣裳禦風雪緊操維枻過  
江灘中朝知舊如相問試把吟篇舉似看

和廣帥宋自牧勸駕韻

天將造榜放秋晴南國新逢運會亨障礙洞開來試  
者計偕穩送上華京主人况是梅花宋寓客漸非日  
色程面見河南已分曉佇聆魁捷響仙城

西樵巖

巨石卷阿駕半天樵山風景豈虛傳水簾不捲四時  
雨丹竈空凝萬古烟印石尚存烏利跡問誰曾識紫  
姑仙我來遊遍登雲谷更借山僧半榻眠

送都運陳煒以煩言去



鐵漢從來去就輕當年烏府樹風聲福星臨分人安  
樂濁世如泥志洗清祠命忽傳姦吏賀歸裝絕少檐  
夫驚退菴本愜家林興父老攀轅却有情

碧霄

未到白雲先碧霄瘦藤支我上山腰烟橫遠樹醉眸  
豁竹引清泉塵慮澆酒滴松根和露飲茶烹石鼎抱  
茅燒平生不被利名鎖半掩柴扉聽晚樵

送李尉興龍之海豐任

宦味無窮得屬厭待瓜六載不辭淹乃心雅欲諸親

愛初筮惟知守一廉母縱彎弓獵雞犬謹防暴客起  
魚鹽同鄉同姓鍾情處酌別中秋吸玉蟾

送舶使孫叔諧東歸

尊鱸高興趁新秋帆腹吞風湧去舟萬寶集登天子  
庫諸蠻遮泣海山樓世間顛倒是非夢達者逍遙得  
失侯歸到家林定重九團欒杯酒菊花浮

宴鳴佩亭和趙漕韻

數尺飛泉漏隔城寒巖坳處落琮琤懸知勝境無塵  
到却訝晴天作雨聲一飲不容貪者飲兩峯宜着醉

文溪集  
翁行此泉千載因人重曾識光風霽月清

送三舉人

已酉鄉貢鄰曲得三士甚為之喜玉帳鹿宴  
有詩已即席和二首歸而成一首別贈三傑  
之行

銅蟾滴硯不曾晴命到通時文乃亨善射定知楊破  
的力耕必獲稼如京錦旗門巷誇聯薦椽筆春闈又  
中程擢第三人如下問定將四字語元城

贛學鄉飲禮成二首

風化之原出泮芹飲循儀禮豆籩陳國中推擇爵齒  
德堂上獻酌介僕賓主敬一存容自肅歌三樂備意  
相親粲然應接非觀美所望今人樣古人

其二

無譁觀者也淡衣古典如迂效頗奇放出曦輪行事  
日飛來捷幟序賓時俎陽便覺春流暢拜爵潛教俗  
轉移此禮重行應易易邦人耳目熟威儀

送子先賢歸南海

束書相伴到江西我尚滯留子遽歸輪角難生催別



竿刀頭欲折為斑衣功名有分須如意學問無窮更  
造微若到家林遇奴輩先教拂拭釣魚磯

寄贈竹隱李聘君

圖沙有此隱君子短褐拈筇自一丘安樂窩中寬宇  
宙逍遙遊處眇公侯逢人皆喜一無忤於世何求百  
不憂種德已涖天必報大兒玉立寂清修翁長子春  
叟三薦于

鄉名士也  
清修可敬

按通志聘君名用字叔大東莞人少孤侍母

雖盛暑未嘗去巾襪德器凝重造次必以規

矩初業科舉及讀周程諸書即棄之杜門潛

心理學者將三十年人稱竹隱先生公聞其

賢就見與語出語人曰吾今乃見有道君子

嘗著論語解究明伊洛真旨以邈洙泗之源

學者傳習之公進其書于朝詔授校書郎不

受遷承務郎以旌其高安貧樂道無求于世

理宗御書竹隱精舍額賜之祠于邑學

同劉朔齋游蒲澗謁菊坡祠

曉隨絲轡飯僧坊丞相祠堂一瓣香試問神仙蒲九

詩

節何如名德菊孤芳高山仰止堪模楷百世聞之尚  
激昂我輩此來淡有意豈專泉石癖膏肓

蒲澗滴水巖觀瀑

與可人游五四分快風吹面洗炎蒸鹿巡夾道千章  
木猿掛垂崖百尺藤石室橫琴清振玉壺瓢酌水冷  
調水瀑簾雨後籠山澗不許塵埃俗耳聽

送鑿師住靈洲寺

少年芹泮也儒冠底事緇袍染異端孤島一燈開佛  
屋長身七尺古僧單鐘鳴魚叩隨緣過棹舞鷗飛取  
次看亭下聽經竈在否石欄搖影碧波寒

贈海珠湛老

也曾勘破到風幡坐得形枯鬢蚤斑衲子指為真鐵  
漢江神幻出小金山華亭浪急翻船入葱嶺雲淡挈  
履還香燼未寒行道處蕭森翠竹護禪關

送廣東憲陳均

丘漕陳知章抑平民為徭且就刀鋸陳公伸  
其枉全活甚眾反為所誣遭劾而去

十五年間再繡衣幡然一出浩然歸囹空但款全人



命網打誰能避禍機  
壬巧交攻邪害正  
丁錢奏免是成非  
離亭父老遮如堵  
莫駐春江去棹飛

又

我如越雪致信信  
此事牽連亦到君  
久矣浮名等蠶觸  
付之公論定藉薰  
四知誰不推楊震  
三已何曾損子文  
甚欲一行陪祖帳  
萬山遙隔幾重雲

黃士奇公檄送其雙親歸闔以詩送之

佳哉茂士頗圓機  
頻到蕭齋對麈揮  
官長見知因職業  
人生最樂有庭闈  
東山至寶身當惜  
伯玉中年力

去非一事說來真可敬  
來裝罄矣貸金歸

贈曾士倬用許廣文韻

里閑如君苦績文  
幾年良玉困炎崑  
鶚書快甚催隨計  
鶴髮忻然慰倚門  
袍綠光華應有分  
汗青久遠要名存  
江頭目送西行棹  
驚起驪龍渴睡昏

送演姪

演姪自建來省侍  
寧化尉闕到將之  
官作詩警之

少年政要識艱難  
受國恩深早一官  
着力莫孤先世

望從頭細把四書看  
金蘭益友真同志  
菽水慈親曲盡懽  
學取老夫窮意思  
免教人指袴襦純

又

五常百行異其名  
腔子源頭一箇誠  
數馬似愚寧過謹  
懸魚雖矯却真清  
寬和愛衆衆同愛  
驕倨輕人人所輕  
詩好何如勲業好  
旂常元不載詩聲

又

一同休戚尉相關  
肉食那容職曠  
癭驗視難真防木  
刻追擒易誤戒弓彎  
千尋樹看萌芽始  
萬里行從陸步間  
大抵窮通皆定分  
炎門邪徑莫躋攀

李忠簡公文溪集卷之十五

詩



李忠簡公文溪集卷之十六

七言律

子先宗友試蘭省送以小詩

宋門人李春叟輯訂

毫端五色織成章皎皎清標月照梁再戰文場推定  
霸一經書法首尊王鞭揚庾嶺梅花早梯上寒宮桂  
籍香師道自居我豈敢所期竹帛遠流芳

北山證果寺

久聞北寺寂清幽因看花田遂一游近國好山半煙  
雨參天喬木幾春秋香凝永晝添談柄風送長松爽  
茗甌此境今纔逢我輩不留詩去鶴猿羞

羅浮國醮

昔下元日朝廷遣使齋香建醮有五雲呈瑞  
霓輦蹁躑拜玉宸發揮道德五千文步虛夜半千山  
月朝斗空中五色雲風雨若時昌國運乾坤齊壽祝  
吾君賢侯方寸精誠積散作豐湖叶氣薰

羅浮飛雲頂

山行頗覺思悠然游遍仙家幾洞天登見日亭風刮  
面立飛雲頂月齊肩稚川翁有燒丹竈景泰師留卓  
錫泉我得真人金石訣無求自可享長年

羅浮峒長寶谷王寧素送藥瓢

久矣淡山煉鶴形聞呼峒長又逃名斷崖怪木人稀  
跡亂石奔泉澗有聲劍定通神收古匣棋聊供玩戲  
紋枰藥瓢解贈寧無意重到孤菴論養生

贈雲峰演菴主

一卷移向白雲堆檜栢參天少日栽頗怪髮如金線



樣想曾眼見鐵橋來佛粘土壁煎茶供客對蒲團取  
芋煨却笑老盧懷鉢走只因說出鏡非臺

題羅浮冲虛觀化緣疏

仙去千年重此山不禁風雨屋摧殘金能點空化談  
易錢欠通神着力難支厦終非一木了成裘未免衆  
毛攢洞天有分人人到輪奐嵯峨起筆端寶祐乙卯

靜住持冲虛觀求詩  
化緣修造輪奐一新

送湛師回羅浮花首山

翩然拂袖忽然回帶得羅浮面目來乞食又還雙足

重坐禪豈是寸心灰故依花首從三靖旋摘芽茶供  
一杯蘭若苦空君不厭可能為我掃蒼苔

秋試已近用韻勉兒輩

鄴軸輪囷數世藏乃翁曾讀被龍光詩書有種芥拾  
紫科舉催人槐落黃學到自然名盛大文工更要理  
淡長歲當酉戌吾家旺月府先教竇桂香

送黃提幹赴班

不枉金闈貯一賢唱名重見冕旒前省闈見說第三  
賦選調猶遲十八年據實語人南嶠事無多行李浙

江船壺山羣彥官今緊直諒如今合茹連

送恩平潛使君還里

風流太守作春遊到處恩波浩蕩流  
懷綬故鄉需上日移舟別浦趁中秋  
聲歌洋溢行人口書翰縱橫健  
筆頭識面雖新心頗熟慇懃話別送歸舟

又

五載南州屈重名活人一段是歸程  
兩州曾喚兩蘓起孤節要師孤竹清  
合有鋒車催赴闕不應畫戟又  
專城閑身已決溪山底千里猶能共月明

壽張新班

喜氣稜稜肖紫巖向來燕石毓奇男  
九十平入相今

纔半七日為人恰後三正月十日籍濕金闈窈地步椒

香玉笋盎春酣赤松須待功名遂蒲澗清泉罍菊潭

送次兒解試

四度牋名達帝聰國子監中者一布衣便有此遭逢

吾家積慶為心印一戰收功在筆鋒  
舉子頭場闕薦

鶚時文手段要屠龍庭前手植森森桂  
飛捷今秋好事重

事重



紀事保林尉韻

保昌尉陳知章權廣倅捕南海平民爲徭賊  
凡三十人獄將具余作劄子露香告于天而  
後達于帥聞不行其言又以公狀達于憲臺  
遠檄循倅潛君審之而後獄得少緩林尉汝  
沈有詩用其韻云

清晨風日闢羣陰一紙三熏上帝臨或者貪功頻滑  
手毅然奮筆特誅心冤辭賴有由言折聖世難施漢  
法沉此舉豈謀身禍福祇憐無罪繫南音

聞禠閣職免新任之報

遠民冤甚草菅芟抗論公庭出至誠且喜一方全性  
命何妨三字減頭銜機關平地藏深窞仕宦伶人視  
戲衫五遜州符今免矣幅巾藜杖可松杉

又

狂妄孤臣罪有餘三年三度掛丹書羣兒過計愁郎  
罷外物浮名總子虛只是儒酸真面目不題道號混  
樵漁親朋欲語澆教醉休與時人定毀譽

送族子春叟游西廣

詩

鳳出丹山定九苞  
桂林要擇一枝巢  
久聞巖竇須幽討  
不是豪人莫汎交  
鶴髮頻將安問寄  
瑩臆勤把舊抄  
功名到底還堅志  
崛起新豐一草茅書

後峒月溪寺

森森杉檜鬱相繆  
散策何妨逐勝游  
梵宇莊嚴傳浙樣  
碧池蕩漾納泉流  
將軍贏得山林在  
衲子多因粥飯留  
眼界雖云欠軒豁  
晚涼宜酒且夷猶

送荃翁張端義之惠陽

張荃翁太湖人  
端平雷變上疏  
直言謫居曲

江往來韶廣間  
後又以言忤當路者  
謫化州終焉

吹面東風豎綠簑  
詩翁七十醉婆娑  
放懷自號天隨子  
知我無如春夢婆  
吟有小奚磨破硯  
臥看赤脚踏行窩  
太湖爭似黃灣濶  
高浪粘天獨笑過

郎席和人韻送荃翁

詩似油翁背注油  
知音世有幾荆州  
乍寒乍暖方榆火  
無米無錢只葉舟  
客况可堪今老大人  
生何必盡封侯  
津亭且莫匆匆去  
萬斛春醪任拍浮



送李路鈐萬入京

路鈐李萬建安人丘漕以梅州辟之不受  
運厄南州暴吏專鵬冠却有好官員捕徭怕損平人  
命製錦盡除常例錢枘鑿一言辭辟郡曾襟三略合  
籌邊景文匹馬長相過我愧才非玉局仙

和心字韻送林尉公琰校文

鵠袍忙立老槐陰爭望文星卑照臨稱物衡無高下  
手別形鑑有是非心品題豈逐朱衣轉沙汰何妨苦  
海沉將見賢書協輿論真才到此遇知音

蒲澗和東坡韻

四時冰柱濕風前絕頂飛來一派泉瘦蔓相牽根太  
古蒼崖特立探長天竈荒孤鶴尋遺跡寺老幽禽闖  
坐禪閑日頻游歸復夢結廬曾許躡坡僊

蒲澗山行宿景泰呈諸友人

蒲根採得汎金船滴水巖前且地僊造物添支閑歲  
月上思不與好山川意行芳草迷丹竈旋摘新芽撥  
澗泉欲雨還晴便登覽更消一宿白雲巔

四月十五游僧寺

今日快逢僧結夏不妨乘興扣禪扉山垂遠瀑溪聲  
急風捲癡雲雨脚稀囊錦詩成僧借看紋楸棋落鳥  
驚飛此來莫訝凭欄久傑閣新成拂翠微

代送丘漕迪嘉

假帥如公自古無邦人久矣望鋒車政聲難掩諸公  
說明主周知萬里餘豹尾雞翹邛久此尊羹鱸膾且  
歸歟江頭鼓動江船去喜氣懽聲動里閭

用人韻送梅糾梁現

征鞍風軟踏香塵又送斯人南海瀕糾郡正資賓畫  
重洗冤須放筆頭春勉期聖處功夫到肯學世間兒  
女顰五瘴由心今一洗笑渠辟瘴嚼人頻

送舶使周申

堂堂山立舊朝簪久屈清流督獻琛風趕連艘出獅  
國浪吹殘句到雞林平生不隔同年面中歲難禁惜  
別心歸見耆英定相問只言閉戶萬山深

贈宋省元魏薦經義

宋秉孫廣帥慈之子也治周禮義

傑作傳來見一斑少年筆力老孱顏根源有學皆堪



味首尾無瑕孰敢刪工要全篇人易取說須兩段意  
相關森森天骨晶光縹去必軒騰十二閑

八月驟寒

秋歎中分暑更祥金風崛起便成寒  
挑笙夜展猶嫌執狐向朝披便怯單  
翻手炎涼真可笑循環造化果無端  
老來一任添霜縷寒暑難磨只寸丹

中秋無月

已孤前度一中秋滿望今宵月下  
游藥杵放閑靈兔懶鏡奩掩却  
素娥愁知誰有術擎梯取枉費  
當年弄斧修天斲清明每如此樽  
前休恨翳雲浮

示兒用許廣文韻

斐然狂簡不知非席帽何時免  
諂譏官樣詞章惟典雅心腔理義  
要淡幾各隨鵬鷗高低適一笑雞  
蟲得失微偶未成名兒勿恨我方  
追悔蹈文闡

鑒空閣

鑒空閣上賞僧軒祇樹森開不二門  
一水橫流界平野數峯突起補前村  
舟來舟去人多事潮落潮生岸有痕  
鎮日長閒輸老衲倚筇獨坐古榕根

李忠簡公文溪集卷之十六

李忠簡公文溪集卷之十七

宋門人李春叟輯訂

七言絕

建寧解歸寄雪峰因大夢

行脚今朝又起單  
欣然歸去得安閑  
從前大夢難忘處  
上白雲山望雪山

弋陽鄭氏翠麓亭

管領寒溪揖怪峰  
徑穿鉅竹綠陰濃  
幽人去後無猿



鶴冷落亭臺濕蘚封

羅浮梁彌僊游爛柯山贈以曲筇方笠

葛坡龍竹東坡笠合伴山人到洞天柯爛想應留斧

在憑君試問石橋仙

過嚴子陵釣臺

船重祇因將利去船輕又恐為名來如今羞見先生

面夜半撐船過釣臺

勸梁青霞歸羅浮舊隱

逍遙八極片雲浮所過名山不久留依舊片雲歸石

洞從今休更下山游

南華寺五首

誦經聽得入從門壁上偷他四偈言畢竟單傳端的

處賣薪供母是心源

其二

西方骨董南方寶留鎮曹溪幾百年自是後人當不

得有如翁者亦單傳

其三

從前梵語墮虛空獨有壇經說不同體用圓明皆寶

文溪集  
相一了不識却心通

其四

未參五祖已開山  
合下全身此地安  
不是香煙忘故里  
衣留孔道要人看

其五

清者何曾飲盜泉  
僧盂底飯逆巢田  
此疑敬問師無語  
風撼長松嘯半天

雨行梅關

風四合凍雲凝  
水墨連屏關岨奇  
衝雨此行風景

別滿山翠滴水簾垂

又

通宵雨滴急催梅  
枝北枝南曉盡開  
多謝花神好看客  
隨車十里雪香來

雪封寺二首

鑿通危石張文獻  
勘破禪關盧祖師  
奇事已堪誇北客  
梅花先暖亦南枝

其二

征輿六月度梅關  
大地清涼樹影斑  
行客不須梅止



渴流泉到耳冷潺潺

峽山詩

壬午仲冬逾至三日牟城進士李昂英西游  
 抵峽山舟距寺而維焉是夕也風壯浪號敲  
 聲戰激蛟騰龜湧與舟盪摩垂丙而不寧枕  
 翌日既望攝衣登寺觀其靈跡森然昭布不  
 我誣也嗟乎是胡為而來哉境奇物勝千態  
 萬狀神愛而茲來則士之假道乎是者亦必  
 不凡矣行將掬山之青軟水之綠與山水俱

甲天下以實地靈人傑云於是乎書

山通一水逕皇都多少英豪出此途傳我飛來元羽  
 翼好風吹送過天衢

靈洲

眼前無限往來舟射利干名不肯休少見人心如此  
 寺屹然砥柱在中流

池州溪橋

萬里長江吸一盃等閑袖劍九華來溪橋獨坐無人  
 識又駕長風跨鶴回

迎廣帥徐意一大叅五首

桂林舊着繡衣來久矣餘波拍越臺自古直臣多牧  
廣廣平曾賦嶺頭梅

其二

曉來竹馬躍兒曹次第牙幢壓近郊五老跨羊持色  
穗也應歡喜候前茅

其三

別去丹山劃七春一塵今日是滕民擬撐釣舸迎前  
路猿鶴從傍冷笑人

其四

魚稻之鄉鴈鷺驕鯨鯢噴沫撼江潮明公自是威風  
手南土應無莠害苗

其五

杜劉二子穎川居出處雖同語嘿殊勿謂寒蟬吾願  
學閉門自辦靜工夫

送魁星與李子先

金斗高挑鬼狀俾世傳此像是魁星祥光閃爍開先  
兆助子秋闈筆硯靈



司法曾子美新第榮歸欲得余詩不敢效世俗  
諛語

里同清獻久聞風耿耿胸中便不同一疏叫雲韋布  
日大廷對策想輸忠

又

舌似河懸筆水翻春官首疏見忠肝士須卓爾名當  
世好取前修節行看

表釋應端任興化寺以其說而勉之  
鉢中滴水也難消切莫貪他寺富饒留取大皮纏大

樹腹圍緊緊篾三條

又

一般奇怪弄精魂猪蜆皆餐針戲吞未到空通渠地  
位只當齋戒作沙門

白雲獅子峰望羅浮

白雲乃羅浮西麓

不到羅浮瞥六年後期幾誤鐵橋仙遠雲不隔山真  
面西麓元同第七天

羅浮桃源峒

在山東北其峒幽邃人跡罕至

靈符鎖盡穴中蛇深入千巖處士家峒戶隔雲呼不  
應時時流水出桃花

戲題羅浮梁彌僊寫真

八十童顏雙眼明浪游海湖一身輕莫將啖肉先生  
比箇是羅浮老樹精

和徐意一韻贈寶積中空山

道是空山都有渠元來有有亦無無若能空到真空  
處萬斛塵埃着確夫

採陽軒

看盡西園十里梅黃昏寒月趁人回要圓一段清游  
事更訪仙宮索茗杯

古成之仙箕

翁來靈筆舞龍蛇翁去瑤壇鎖暮霞舊事欲談三百  
載五雲閣上望仙槎

書龍頭義約簿

人鳩一千

桂菊風香造榜天門標捷幟地流錢筆端快便行年  
順騎鶴纏腰身兩全



又

鷓鴣聯翩二十名  
看看金榜是同盟  
河南人面分明  
見盡說龍頭識已成

重九日游南山峽覺海寺

恰重陽日到南山  
小摘黃花供綠樽  
鐘叩一聲蕭寺  
晚移舟載月過前灣

夜夢漁父求詩覺能記其全書贈梁彌仙

酒湖無盡春無限  
一葉江湖萬里天  
明月滿蓬風夜  
響醉眠正在白鷗邊

衆建蓮社堂求疏語

遠公鼻孔着蓮香  
引得喃喃閨幾場  
供佛建菴人更  
錯老胡元不在西方

贊銘

淨慈釋刺血寫經贊

浮屠覺新在淨慈  
針血書楞嚴圓覺法  
華華嚴經兩  
年而後成錢塘  
劉植捐金藏而  
歷之文溪居士  
李某  
爲一轉語植

此經如筏寫之着相而刺血寫妄中之妄經諸佛說

血父母生何淨何垢等為前塵末法闍黎沉酣入骨  
一毫且斬而況於血血猶可舍是知身幻大痛一回  
直須臂斷

三十五代張天師贊

冷面皎霜凝電光雙目崢生來元自別不但父書靈

鍾離仙贊

衣兮木葉髯戟面鐵所執何書願聞其說

呂洞賓贊

碧其風中皓其雲袍六合飛遨仙中之豪

維摩贊

丈室着不得文殊眾香國裏薰教臭無端詐病却成

暗只為從前多業口

舊書頭批云文溪真跡丈室作室中裏作多業作多業

自贊

於嶠山癯搭颯野服莫若松根煨芋巖曲且農且漁  
非仙非俗其傍何有秋鶴霜竹

廣州天慶觀眾妙堂東坡井泉銘

方石史取定林寺鍊井欄護之

老經云坡記成名非石堂途輕兩翁像久晦冥偉方



公舊貫仍取彼欄護此泓新作蓋環以銘遺千年飲  
清冷續坡誰李昂英

行者了寬等題錢買度牒疏

已辦僧心未圓僧相繞得方凡便成和尚

又

作佛何曾要累纏頂門尚欠世間錢舍身者與舍佛  
者選佛場中化有緣

又

作佛本無相為僧却要錢豈無人割捨為結惡因緣

又

郎心是佛見性成僧無奈世緣要二尺綾

李忠簡公文溪集卷之十七終

李忠簡公文溪集卷之十八

宋門人李春叟輯訂

詩餘

蘭陵王

燕穿幕春在深深院落單衣試龍沫旋薰又怕東風  
曉寒薄別來情緒惡瘦得腰圍柳弱清明近正似海  
棠怯雨芳踪任飄泊

釵留去年約恨易老嬌鶯多誤靈鵲碧雲杳天涯

詩餘



各望不斷芳草更迷香絮回文強寫字屢錯淚欲注  
還閣

孤酌任春脚便彩局誰收寶軫慵學塔除拾取飛花  
嚼是少春恨等閒吞却闌干猛拍數命薄悔舊諾

摸魚兒

曉風癡繡簾低舞霏霏香碎紅雨燕忙鶯懶春無賴  
懶爲好花遮護渾不顧費多少工夫做得芳菲聚休  
顰百五却自恨新年游疎醉少光景急虛度 猊奩  
瘦困起庭陰正午游絲飛絮無據千林濕翠須臾遍  
難綠鬢根霜縷愁絕處怎忍聽聲聲杜宇深深樹東  
君寄語道去也還來後期長在紫陌歲相遇

摸魚兒

用古買陂塘旋栽陽柳韻

敞茅堂茂林環翠苔磯低蘸烟浦青簑混入漁家杜  
斜日斷橋船聚真樂處坐芳草瓦樽滿酒頻頻注鼻  
禽自舞慣松逕穿雲梅村踏雪朗笑自來去 車乘  
墜爭似修筇穩步前塵回首俱誤安閑得在中年好  
抱甕尚堪蔬圃高眼覷算不識人間寵辱除巢許風

文溪集  
篁解語應共笑羣徂無端喜怒三四計朝暮

摸魚兒

五年郡圃築壯猷堂落成

遶西園粉籠千雉鏡池屏石天造主人意匠工收拾  
華屋落成聞早輪真巧望縹緲五雲淡處移蓬島由  
幢羽葆指貌虎長驅鯨鯢網取電走捷旗報 鏡吹  
發回廡連屯飲犒海山波靜烟掃綸巾蕭散環珠履  
春滿綠楊芳草人境好是握穗五翁福地無塵到芝  
書在道便整頓乾坤經營萬宇棟國要元老

摸魚兒

送王子文知太平州

怪朝來片紅初瘦半分春事風雨丹山碧水含離恨  
有脚陽春難駐芳草渡頭叫住東君滿樹黃鸝語無  
端杜宇報采石磯頭驚濤屋大寒色要春護 陽關  
唱盡鷓鴣徘徊東渚相逢知又何處摩挲老劍雄心在  
對酒細評今古君去此幾萬里東南隻手擎天柱長  
生壽母更穩步安輿三槐堂上好看綵衣舞

賀新郎



陪廣帥方右史登越臺

繡谷流明幟穩飛輿茵柔草碧蓋欹松翠遶首意行  
窮絕頂綵榭千年勝地遠峰斷莽蒼烟水護日晴雲  
收午暑颯長風振葉生秋思籠霧炷影霞袂 清明  
官府歌棠芾且蕭閑事外下看玉城珠市山色驕人  
逢此客塵尾霏霏露碎一笑五年銜新穗田野歡聲  
和氣合喚航船猛為魚占喜誰會得醉翁意

賀新郎

餞廣帥馬方山赴召

世羨官高大又誰知幾多卿相身榮名壞我輩相逢  
無愧色彼此蒼顏健在又容易分携越海寫出陽關  
離別恨看一行雁字斜飛界天下寶願自愛 白衣  
蒼狗須臾改久冥心雞蟲得失鷓鴣遲快君帶貂蟬  
頭上立老我荷衣草帶肯此膝向人雅拜遠餞元非  
趨炎者二十年相與形骸外義金石更堅耐

賀新郎

二

同年顧君景冲 雲翼  
經屬官舍白蓮盛開招  
飲水亭

誰種藍田玉碧雲深亭亭月上水明溪曲羞作時妝  
兒女態冷淡冰餐露沐出塵外風標幽獨除了留侯  
無此貌便何郎傅粉終麤俗意凝遠韻清淑涼臺  
向晚微風馥訝銀杯羽化折取戲浮醺醪安得梅花  
如許大天遣辟除暑溽渾不覺鷺翹鷗浴可恨妖妃  
汗太液只東林社友追遊熟宜夜看燦瑤燭

賀新郎

賦菊

細與黃花說是天教開遇重陽玉裁金屑老行要尋

松竹伴雅愛山翁鬢雪任滿插追陪節物惟有淵明  
吾臭味傍東籬盤薄芳叢擷便無酒也清絕  
色正孤標潔慣平生餐霜飲露倚風迎月不比芙蓉  
偏嫵媚不比茱萸太烈似隱者滿閑巖穴至老枝頭  
猶健在笑紛紛紅紫塵沙汨香耐久看晚節

賀新郎

餞廣東吳憲燧

時持節憲江西

元日除書濕到而今西風老矣駕輶初入自是龍顏  
深注想孤鳳翔而後集久父老攀留原隰庾嶺經行



梅亦喜小奚奴背底惟詩笈冰雪操又誰及  
昨來容易風雲翕便三台兩地也只等閑如拾天馬不鳴  
凡馬喑百步何如五十况洶洶波濤方急此去一言  
回天力着着高百尺竿頭立澆磊砢快鯨吸

賀新郎

再用韻餞吳憲

過雨璇空濕浩秋香光浮桂菊曉風吹入柳繫牙樁  
應小駐草草還成勝集又追趁牡車原隰照座玉人  
風骨聳想曾蟠藥闕琳瑯笈真作者世難及 遠山

雲霧工開吸共朱闌徙倚總好錦囊收拾老我祇今  
才思澁知二季如知十夏金縷檀板休急訪古夷猶  
行短境憶朝陽鳴鳳臺端立筆也醉硯池吸

賀新郎

丙辰自壽游景泰小隱作

天地中間大縱遨遊登山臨散人一箇水學易已來  
秋又六肯趨名韉利鎖得日日安閑笑過金馬玉堂  
也曾到儘不妨拍手溪頭坐風蕩笠月蘭舸 今朝  
記是初生我近小春黃菊猶葩早梅將朶拔宅危巔

窮勝踐指點塵寰蟻磨看澗底飛泉珠顆松栢蒼蒼  
俱壽相更千年雪鶴鳴相和安期老舉杯賀

水龍吟

癸丑江西持憲自壽

唱恭初意如何竭來五十二年矣犁鋤頗熟詩書麤  
解簪紳聊耳自信柴愚真成汲戇却無劉臆向高秋  
初度同時有菊淡相對風霜裏最癖登山臨水又  
何心蝸名蠅利俗緣未了強教肉食何曾知味無事  
微吟會心微笑逢場微醉把日生只恁安排領取百

十二歲

水龍吟

和吳憲韻且堅鬱孤同游之約

驛飛穩駕高秋迎人滿目清新景秋還有色芙蓉照  
水晨妝對鏡雪捲寒蘆字橫過鴈渡浮孤艇是騷人  
行處腔風調月香滿袖過梅嶺斷岸烟收人靜雨  
聲乾桐疎楓冷掀髯獨笑仙翁起舞臥龍呼醒近小  
陽春爲梅也合遲遲鞭影更鬱孤一笑追歡料得坡  
翁首肯



水龍吟

觀競渡

碧潭新漲浮花柳陰稠綠波痕膩一聲雷鼓半空雲  
 浪雙龍驚起氣壓鯨鯢怒掀鱗鬣擘開烟水算戰爭  
 蠻觸雌雄漢楚總皆一場如此點額許教借一得  
 頭籌歡呼震地翻嗤浮世要津攬進奔波逐利鬪了  
 還休倩渠銜寄三閭角黍會風雲快出為霖可但領  
 明珠睡

李忠簡公文溪集卷之十八終

李忠簡公文溪集卷之十九

宋門人李春叟輯訂

詩餘

水調歌頭

題舫齋

郭外足幽勝潮入漲溪流舫齋小小一葉老子日邀  
 遊管領白蘋紅蓼披戴綠蓑青蒻直釣任沉浮玉縷  
 飽鱸膾雪陣狎沙鷗箇中眠箇中坐箇中謳箇中

詩餘

收拾詩料觴客箇中留休羨乘槎博望且聽洞簫赤  
壁樂處是瀛洲日月盪雙槳天地一虛舟

水調歌頭

題斗南樓和劉朔齋韻

萬頃黃灣口千仞白雲頭一亭收拾便覺炎海豁清  
秋潮候朝昏來去山色雨晴濃淡天末送雙眸絕域  
遠烟外高浪舞連艘風景別勝滕閣壓黃樓胡床  
老子醉揮珠玉落南州穩駕大鵬八極叱起仙羊五  
石飛珮過丹丘一笑人間世機動早驚鷗

水調歌頭

壽叅政徐意一

地位到公輔耆艾過稀年幾人兼此二美而況是名  
賢松柏蒼然長健薑桂老來愈辣勁氣九秋天鯁鯁  
嬰鱗語不改鐵心堅說武夷同此月瑞三公仙雖  
居後瓌奇偉特却光前續得紫陽脉絡了却西山事  
業舟楫濟商川飲對黃花榭一酌歲三年

水調歌頭

題登春臺



野趣在城市崛起此臺高誰侈蓬島馮夷夜半策靈  
鰲十萬人家甃碧四面峯巒湧翠遠峙拍銀濤挿漢  
筆雙塔簸兩葉輕舸我乘風時一到共嬉遨江山  
無復偃蹇彈壓有詩豪寶劍孤橫星動鐵笛一聲雲  
裂寒月水宮袍滄海一杯酒世界眇鴻毛

念奴嬌

壽王守母

瑤池高會見雲香鳳背風柔鶴膝天遣月卿來拜舞  
新拜璽書增秩有母能賢生兒如此總是前身佛孫

曾戲綵慈顏一笑閒逸

曾向渾尺軒中共評今古

手寫王言綉箇裏迺翁棠蔭在映得梅仙山碧人愛

黃堂祝萱堂壽拍拍歡聲溢明年宣勸蟠桃大棗庭

實

念奴嬌

寶祐丁巳閏四月偕十友避暑白雲寺

麥秋時候薄陰罩炎日山行乘興筇屐追隨多勝侶  
青珮黃冠方領坐石談玄聽泉濯暑直上千山頂倚  
風長嘯籟鳴林谷相應忽湧雲氣漫空海吹急雨

文溪集  
覺冰練微冷洗盡人間名利障便是蓬萊仙境半日  
偷閑一生清福豈在榮鐘鼎青燈深夜陶然獨妙清  
聖

瑞鶴仙

甲辰燈夕

玉城春不夜映月璧寒流燭蕞光射鰲山海雲擁駕  
遨頭簫鼓錦旗紅亞東風近也趁樂歲良辰多暇思  
陽和早遍南州暖得柳嬌桃冶堪畫紗籠夾道露  
重花珠塵吹蘭麝歌朋舞社玉梅轉鬧蛾要且蠶占  
先採芋郎戲巧又卜紫姑燈下聽歡聲猶自未歸鈿  
車寶馬

沁園春

監司元宵招飲不赴

纔到中年節物渾閑賞心頓輕據隨分東風瓶簪柳  
雪應時燈夜棚綴蓮星自一家春也三杯酒巧蠶堆  
香笑語聲又何須聽那西樓絃管南陌簫笙平生  
黃卷青燈肯珠翠奢華八尺檠欲趁隊閑嬉雕鞭寶  
馬回頭猛憶破案囊螢鄰曲漁歌庭除鶴舞塵外水



文溪集  
輪徹骨清人閑處這炯方寸一點長明

滿江紅

江西持憲節登高作

薄冷催霜碧空豁飛鴻斜度重九日御風絕頂下看  
塵宇滕閣芳筵牋筆妙龍山勝踐旌旗駐料山靈也  
要可人遊成佳趣吹帽墮羞千古題字非吾侶却  
坐間着得煮茶桑苧萬里寒雲迷北斗望遠峰夕照  
頻西顧且滿浮太白送黃花劍休舞

滿江紅

和劉朔漢節亭韻

人似梅花峭玉立歲寒風節新圃闢種梅千樹幻成  
南雪池碎瀑聲荷捧雨徑涵秋影篁節月喚石君錯  
落坐庭前紅塵絕嫌刮耳秦箏夏慵着眼能優狎  
但一觴一詠放懷開濶涌地池亭工掩映擎天柱石  
規施設待枝頭金顆可調羹休輕折

菩薩蠻

別劉朔齋後寄詞時朔齋抵峽山拾遺詞至  
雲山疊疊雙眸短夢魂夜趁行人遠千里共襟期吟

風飲月時 碧溪穿翠峽 雪意蓬蕭 颯安得翅飛來  
衝寒同訪梅

漁家傲

重着夾羅猶怯冷 隔簾拜祝 團圓鏡 取片龍涎安古  
鼎香閣靜 橫窓寫出 梅花影 寒鵲鷓枝飛不定 回  
綻刺就更籌永 小玉欣眠 呼不醒 霜氣緊 麗譙吹動  
梅花引

西江月

小鷁載池心 月長虹跨水中 天主人情重 客留連便  
欲乘風寒殿 霜竹且傳秋信 鏡葉不作春妍 夜涼  
正好倒金船 朔飲而今再見

浣溪沙

筍玉纖纖拍扇 紉戲拈荷葉起 文鴛水亭初試小龍  
團拜月深深 頻祝願花枝 低壓髻雲偏 倩人解夢  
語喧喧

城頭月

和廣帥馬方山韻 贈斗南樓道士青霞梁彌  
僊



工夫作用中宵晝點化無中有真氣長存童顏不改  
底用呵摩皺帕一身二五之精媾積得嬰兒就試問  
霞翁三田熟未還解飛冲否

李忠簡公文溪集卷之十九終

李忠簡公文溪集卷之二十

家書

丙戌科過省第一捷書

三月十八日捷子到廣州二十日到石灘

某頓首百拜上覆大人朝議亞媽孺人某茲者荷先  
祖餘慶大人陰隲省試叨冒第三名自顧識淺才疎  
何足當此今因捷走報謹寫數字以實其信然鄉間  
前此無報三名前之例必有無厭之求亦宜權其輕  
重多不過為政首可也恐州縣有禮議大人可謀之  
親知諳識者隨時區處即此報知他冀精衛寢食以

文溪集  
迂鴻祉某此來合受推官文林郎出身乃廟堂送闕  
亦候在外待榜者畢至方始唱名賜袍笏聖上御便  
殿以頒之仍舊例入局待注受畢日七月初必有歸  
期謹此拜覆伏乞尊覽某再拜上覆某煩一哥覆知  
大人門徑只宜依舊不必加粉飾遇某舊亦煩一哥  
呼名致謝

### 第二家書

某頓首百拜上覆大人朝議媽媽恭人卽辰季春恭  
惟尊候動止萬福某茲者叨冒正奏第三無非大人  
平日積德之驗但開榜之後有費叢集租一屋在學  
前庶得王魁張魁亦在左側某所賃之屋一月二十  
券捷人與諸人來賀亦五十券受劄之始凡百物件  
皆是新置如買轎皂衫袍帶幘頭朝靴一身衣服轎  
番四名每月二十餘千書司斤子二名每月亦十五  
千已至借僕一日十餘人况某不諳此間新第事體  
只得挈張上舍德明事與之商確庶得適宜日間供  
膳皆是已出出二元信費二十千未用一百餘券自  
惟窘乏不能措只得轉假之鄉人候回日償之有便



可報陳宅必有錢助費但非親實人不容付之來也  
書舖來呈丙辰科事例到五月中方唱名入局以至  
受闕并其他禮儀亦七月初方畢到冬方有拜侍之  
期所喜二狀元相處甚得有事必日來相報出入皆  
同行大魁台州人三十四歲榜眼亦台州人六十餘  
矣凡見主司及朝士皆與之同及見鄒尚書彼再三  
丁寧未要相見諸朝士某自此不出諸同年及鄉曲  
相識官員日間相見常一二十人只得奔走報謁不  
容已也某茲者本經出王太傅定房叅詳丁郎中黼  
知舉鄒尚書應龍論在林太博良顯策未知在誰房  
三場未經改削未敢附去恐有人問但以試官所批  
示之某此回例受推官已令人尋訪江西廣西諸處  
自揣疎於吏事亦須一年以上可也亦但言其槩已  
至兩處店主人書舖亦須有上千請兩人作四六  
亦須有千事體大槩始末非千券不可鄉間風俗薄  
惡多言某受人繫着不可信某新得一第尚要前程  
久遠

第三書

某伏以春律向盈韶光未減恭惟大人朝奉亞媽孺人尊候動止萬福某自得捷當夜卽發家書與捷子又附一運司走文字人想皆到矣然潮州陳子諒必爭先但以家書爲實犒捷之資必候潮廣兩處人俱齊方始酌其輕重不可作兩項支與某嘗會張魁渠云鄉曲捷人必待八九月自歸方始結付乃其鄉例也恐未有錢推以待某歸尤佳小人無厭驥多與之彼必求索無已更在斟酌輕重合數報人共二百上下可也某自歸榜後終日奔走及歸安下處則諸公來訪及同年諸友相見求入局者甚衆應酬無暇來見鄒先生丁寧勿出某恪守此戒然程中書陳中書皆遣人來請見不容不往以至某文字出渠房者皆往一見之然諸公以某遠方人忽在前列皆有願見之意凡所造見甚荷溫接相見必問堂上及問某具慶則歆羨不已又問大人之年某乙未對尤加羨焉其問娶否則以己綴親對書鋪呈甲辰例唱名在五

月十二緣其年混補別來試所未開今歲旣無混補必須待出局及注差了畢必七月終方有歸期前日



局中合千人來叅書吏厅子虞候上名事官每位三四十某不敢留使且待入局京城桂玉之地日費不貲王魁綴其同舍寧國府杜丈之女岳翁爲之支遣張魁乃宰執侍從撰述文字人故諸公送饋良厚惟某乏素其接待禮數出入儀從只得勉強隨之鄉間義約錢一百卷帶來四小鋌梁幹又借去一笏雖鬻之笏猶有窘乏之憂不免就施文假借渠又要歸還七百足更與渠商確如何勢亦只得就渠借也家亦不必附錢與之但龍涎香可買數兩素馨湯茶餅之類可買二三十瓶作人事戚家蘇合香丸感應丸亦買數兩來更白拂手數條云云

第四書

某百拜上覆卽辰清和在候恭惟大人朝奉亞媽宜人尊候起居萬福某伏自塵蚕之後三附問安之書想已俱到後遇鄉間補試諸丈詢及家間動靜三月廿八日某人抵京復接家書深用慰浣某自箭橋移居學前非報謁官員不敢輕出凡事不敢輕舉張德明以私試回齋適惠州朱新恩篆至某遂校之同樓

復留一房以待倫耀卿而四月初彼猶未至也日來  
諸廳賀吏已撥剔稍定惟是同年之求入局者多挾  
朝貴或托相知頗爲所撓只得隨輕重區處至於潮  
惠南雄諸同年旣是一路不容不存之也唱名亦未  
有日子想只在五月初間矣所費浩繁已就施文借  
五百券家間亦不必寄錢來用若有所爭不多不必  
與較若大段相遠某做一道理此不足慮某前者已  
修劄達之陳宅不知彼曾來相賀否朱新恩篆文雅  
且賢與之相處甚得彼遂有續絃之意大人便問發  
與令往說之朱丈乙巳生可與爲親丘丈亦知其五  
行若消耗之便中垂示有一劄達之廣平公少叙謝  
意人旋甚亟漕臺倉舶書未發尚需別進未繇省侍  
伏乞倍加調護以介鼎來之祉某下情祈祝之至某  
百拜上覆大人朝奉亞媽宜人六叔朝奉

第五書

某頓首百拜上覆卽辰炎伏在候暑氣方殷恭惟大  
人朝請亞媽安人尊候起居萬福某偕璧英在此如  
常母在留意念六月初二日陳全付至家書與陳宅



書信偕到官券五百貫已如數得訖十三日上御文  
德殿移御榻臨軒引見前三甲人三名前作一班相  
去纜咫尺日表龍姿儼然在前餘四甲五甲人只在  
殿門之外不及見也禮畢三名前就幕次各賜食七  
品羅滿几案精美可挹累科所無也中貴快行衛士  
來索謝恩詩卽時就換袍笏是時駕已入內但抱救  
黃拜殿門而已三名先謝而出卽重戴乘馬所喝迎  
導如每科儀但未過太廟不審其儀也

門對

聖德如春和萬姓  
臣心向日秉丹衷

近水樓臺先得月  
向陽花木易逢春

附菊坡回劄

某惟時初夏氣清而和伏惟新朝議恩鄉兄稽古  
策勳有物作助台候動止萬福某屬厭德聲久其  
日矣自西戍南歸謂有一見之便而抱病簡出披  
睹猶未見快茲聆擢雋南宮歸乎克選曾為盛事  
用壯老懷粉粹亦為之改色顧如天才甚穎月評  
所推文章有經世之宏模撫義得尊王之大體再

鼓而氣益壯一呼而人皆驚因思士以得時而爲  
難名者造物之所惜山川清淑之氣蘊蓄幾百年  
鍾此間出之奇况年不可及自守甚堅卽其中之  
所存自此而充之遠到豈易量似聞春風得意之  
初聲容光不露盛名之下謙以將之夫所養益厚  
則所受必大區區贊美正爲是也某痲疾丐閑幸  
得請屈伏牖下餘息厭厭忽聞捷音不知宿疴方  
圖致慶乃爲故人所先三復不勝慰滿錦還諒在  
秋中初筮不必擇官擇地榮進素定茲爲發軔指  
快僊刊此見意庸帥不逮所施而情則真矣尚希  
孚炤右謹具呈四月日  
煥章閣直學在中奉大夫提舉崇福宮崔某劄





李汝簡公文集卷之二十一



李汝簡公文集卷之二十一  
李汝簡公文集卷之二十一  
李汝簡公文集卷之二十一

